

تورکيا بیورک ملت مجلسی

ضبط سابق

الی طقوزنجی اجتماع

مندرجات

جبهه دن عودت ایدن هیئتک بیانانی

برنجی جلسه

رئیس : مصطفی کمال پاشا حضرتلری

کاتب : راغب بک (کوتاهیه)

۲ آگستوس ۳۳۷ صالی - ساعت - ۳،۱۵ - صکره ده

رئیس - مساعده بیوررسه کز بو مذاکره ده
 موضوع بحث اولان شی جبهه دن عودت ایدن آرقدا -
 شلمزک جبهه حقنده کی مشهودات و محسوساتی مجلس
 عالی به عرض اتمکدر. مذاکره بو مسئله به انحصار
 ایده جکدر . بیوردیفکزر مسئله بوکا دائر ایسه سوزورده
 دکلسه بوندن صکره بر جلسه عقد ایده جکزر او زمان
 سویارسکزر .
 توفیق افندی (دوامله) - عرض ایده جکم شی
 مملکت حقنده مهمجه در .
 رئیس - مملکت حقنده چوق مهم شیلر واردر .
 بحثی تحدید ایده لم ، بوبخشدن صکره قونوشلم .
 توفیق افندی (دوامله) - بوبخشدن صکره سوزوم
 محفوظ قالدون .

رئیس - افندم جلسه یی آچورم، بوگونکی اجتماع
 جبهه یی زیارت ایدوب عودت ایدن آرقدا شلمزک هیئت
 عمومی به ایضاحات ویرمسی ایچون تخصیص ایدلمشدر .
 بناء علیه ایضاحات ویره جک اولان آرقدا شلمزک لطفاً
 اسملری بیلدیرسونلر (شيفره او طه سنده درلر سسلری)
 افندم آرقدا شلمزک سوز آلنجیه قدر ضبط سابق او قوبه جغز .
 (ضبط سابق کاتب راغب بک طرفندن او قوندن)
 ضبط سابق حقنده مطالعه واری ؟ (خار صدالری)
 ضبط سابق قبول ایدنلر لطفاً ال قالدیرسون (ضبط سابق
 قبول ایدلدی)
 حاجی توفیق افندی (کنگری) - رئیس پاشا
 حضرتلری ! یقینده مملکتدن کلام، بعض مشهودات
 و مسموعاتم واردر . مساعده بیوررسه کز عرض ایده م

وهي افندی (قونیه) — افندم مجلس عالیکنزک
 ویرمش اولدینی قرار اوزرینه آرقداش لرایله
 ایله برابر بورادن جهله قدر کیتدک ، له الحمد و المنه
 اوردومز، غایت منتظم و حقیقه دشمندن اخذانقنامه دائماً
 حاضر برحاله کوردک . دییه بیلیرم که : بورادن کچدیگمز
 زمانی قناعتمز بره ایکی ، بره اوچ ، بره درت دره . یعنی
 قوت قلبیه بزده ، کندمزده حاصل اولمشدر . اولردسکی
 قوه قلبیه بزده انعکاس ایتدی ، حقیقه چوق مسرور
 اولدق و جناب حقه چوق تشکر ایتدک و قطعله لک هر
 برلرله تماس ایتدک ، بعض لازم کن وصایا و نصایحه
 بولوندق ، دعالر و ثنالر اولدی . حقیقه هیئتکنزک افراد
 و ضابطان ایله تماسنده افراد ایچون ضابطان ایچونده
 چوق مسرت حاصل اولمشدر . قطعله رجه حسن تاثیر
 حاصل ایتدی . یعنی بیوک ملت مجلسی بزى دوشونور
 و آرار اولدیغی بیلیوردق . آمایوله قطعله قره ، جهه-
 لک تا اوچنه قدر کلوب بزمله تماس ایده چکی عقلمزه
 کلیوردی . حقیقه بزم بریدر مشفقمز اولدیغی اولدن
 بیلیورسه قده دها زیاده بزم ایچون شفقت و مرحمتلرینه
 قناعت کامله تظاهر ایتمشدرگی سوزلرله افراد اظهار مسرت
 ایتدیلر . کرچه اوردومز برپلان دائر سنده رجعت ایتمشدر .
 فقط له الحمد و المنه قطعاً اوله رجعت ایتمش بر اوردوکی
 دکلدرد . اولدینی نقطه ده منتظم و کمال عزم و ثبات ایله
 آیاغنی قپرداتمه ، ش بر اردوکی کوردک یعنی بز اونی
 کوزمزه کوردک ، سزده کوز کزله کورمش کی قناعت
 ایدک بو بویله در . یعنی بالعموم افرادک کوزی ایلروده در .
 کری ده دکلدرد عزم ایمانلری ، عزم و متانتلری ، و ثبات
 قلبیه لری صوک درجه یرنده کوردک . اصل بوراده
 فضلجه ایضاحت و بره جک وهی بکدر . خلاصه
 اوله رق شونی دییه بیلیرم که اه ذولجلال اوردومزده
 اولان متاتی ضعیف القلب اولانلر مزه احسان بیورسون
 (آمین صدالری)
 وهی بک (قره سی) — ابن اوکی ایله صوک محاربه ده
 اردومزک قهر ماناغنی قدر آ طرف عالیگردن کوندرلشدک .
 مجلس عالیکنزک سلامتی ، تبریکاتی ، تقدیراتی و غایه

مقدسه بی استحصال خصوصنده اردومزه اعتمادینی تبلیغ ایتدک .
 کرک افراد ، کرک ضابطان ، کرک قوماندانلر بالمقابل
 عرض حرمت ایتدیلر ، تشکر ایتدیلر و بوغایه بی استحصالده
 صو گنه قدر چلیک کی برعزمه صاحب اولدق لری بز
 درمیان ایتدیلر . فی الحقیقه بتون آرقداش لر بورادن
 کیدر کن شمندوفره بیندکدن صو کره بزده دوغرو بر نسیم
 فرحک اسمکده اولدیغی حس ایتدک ، اوردو کیریسنده
 آز جوق احوالی یقیندن بیلمه دیگمز ایچون بلکه بعض
 ترددلر مزلر بولنه بیلیوردی . اردو ایله ، افراد ایله تماسه
 کلدکدن سوکره موجود اولان قناعتمز بر قاج مثل دها
 تضاعف ایتدی ، جناب حقه یوز بیکار جه شکر اولسونکه
 اوردومز زنده و توانا و بیاغنی دشمنی هر صورته قارشیلانمغه
 حاضر و آماده بر وضعتده در . بتور کزدیگمز
 مناطقه ده احتیاسی حاصل ایدرک عودت ایتدک و اولرک
 احتراملری سزه تودیع ایدیورزه . (تشکر ایده رز
 صدالری)
 صلاح الدین بک (مر سین) — محترم افندیلر !
 بند، کزدن اول بیاناتده بولنان آرقداش لرمک سوزلرینه
 علاوه بر ایکی کله عرض ایتدک ایستورم . جهه ده حقیقه
 تکمیل آرقداش لرمک دیدیکی کی منتظم و هر آن حرکت
 مهیا زنده قطعات بولدق — اوردومز مشکل بر وضعیت
 حریری ایفا ایتمش و متانت و صلاحینی تماماً محافظه ایتمشدر .
 قوماندانلرله افرادک یکدیگرینه قارشنی ارتباط مادی
 و معنوی فوق العاده در . اردونک جوهر اصلینی تمامیه
 قیمت اصلیه سنده در . انشاء بو اردو ایله آرزو ایتدیگمز
 نتایج عالییه بی استحصال ایده بیله حکمز بن اساس
 اعتباریه و افرادک اساس جوهر ایمانی اعتباریه
 صوک درجه ده قائم ، بر طاقم نواقص اوله بیلیر .
 بونی اوزون اوزادی به عرض ایده بیلیرز و مدافعه ملیه
 انجمنی دوائر لازمه سی زنده تعقیباتده بولنه رق بو
 نواقص اکیال مسئله سنده مجلس ملی ده عامل اولسون ؛
 بناء علیه بو خصوصده اعظمی مقدرده کری ده چالشمق
 لازمدر . بز نه قدر واسع بره قیاسده نه قدر کنیش بر
 نظرله نه قدر بیوک بر استقباله دوغری یوروسه کاردومزده

او قدر معظم بر صورتده یورویه بیلیر و بیکا دوغریدن
 دوغرویه ملتک معنویاتی کافیدر. بو معنویاتک کیریلده
 تمامیله جانلی بر حالده تجلیسی لازمدر. دییه بیلیرم که
 ایکی حربدن صکره بالخاصه کیریلده ایی
 چالیشه مادی. فضله اعتمادایتک و شمیدی ده فضله چالیشمق
 لازمدر آرده کی فرق بودر. مجلس ملینک دخی
 یونی نظر اعتباره آلهرق اردونک نواقصنک ا کماله حصر
 موجودیت ایتمی لازم کلیدر. بشقه بر مسئله یوقدر.
 مملکت ایچون مدافعه ملیه مسائلندن بشقه مسئله یوقدر.
 و بو مجلس عالی بر مدافعه ملیه مجلسیدر. بو مجلس
 غایه سنی استحصال ایچون بترن قوت و قدرتیله چالیشمی
 لازمدر. بونک ایچون بعض تکلیفاتمز واردر. عرض
 ایده جکز. فقط اساس اعتباریله بیانمه سی لازمکن
 جبهه ده امره آماده، زنده، حرکتیه مهیا بر قوت
 واردر. و بو قوت امر و قوماند آلتنده ایسته نیلن وظایفی
 ایفاییده بیلیر. بونک ا کمال تجهیزاتی، قویه سی کیریلده بونانلرک
 بورجیدر بو وظیفه بی مجلس ایفا ایتمک مجبوریتنده در. چونکه
 مجلس غایه ملینک اک بویوک مدافعی و وجود مشخصی در.
 بنساء علیه مجلس عالیدن بوکا کوره اردونک سریعاً
 قویه سی و ایسته دیگمز وظیفه نک حین حصولی تأمین
 ایتمک اوزره هیئت علیه کز مختلف محالری کز مشدر.
 بونکله برابر کیری یه دونه رک آرقداشلیغینه بوتقاطی ابلاغ
 ایتمکله عموم ملتک مبادی برسی ایله چالیشمی و تکمیل

مملکتدن اردویه اعظمی معاونت تأمین مسئله سنی بالخاصه
 سرنامه معروضات ایتمک ایسته مشدر. بونک تفصیلاً تدقیقی
 هر زمان ایچون ممکندر. یونی عرض ایدرم.
 بالخاصه مجلس عالیته ده بو خصوصده مملکتده اعظمی مادی
 و معنوی مظاهر تأمین و بکوجود ویک قاب اوله رق
 اردونک احتیاجاتنک سریعاً اکالی و آرزو ایستدیگمز
 هدف، که بو ملتک استقلال تاحی در، ایریشمک ایچون
 بترن ملتی بر غایه یه متوجهاً مساعی یه سوق ایتمک لازم
 ایسه، استحضاراتنک ده بوکا کوره بوکسک طوئلسی لازمدر.
 یوقسه بسیط و محدود مساعی صرف ایتمکله اکتفا اولنمه سی
 لزومنه بو صورتله انشاء ایسته دیگمز غایه یه واصل اوله جغمزه
 قائم (انشاء صدالری) اساس بودر. بوکسک بر غایه یه کوره
 چالیشمق لازمدر. اونک ایچون اردومزک، شایان
 شکران بر حالده اولدیغنی و هیئت علیه نک بو صورتله
 ابراز ایتمش اولدیغنی توجهه اثبات لیاقت ایتمک ایچون
 صوکنه قدر چالیشمق و طور مامق حسنده اولدیغنی عرض
 ایدرم. بشقه بر معروضاتم یوقدر.
 رئیس — ظن ایدرم که هیئت علیه نک بشقه ویره جکی
 ایضاحات قالدی. او حالده دیگر بعض آرقداشلر سائر
 خصوصانده مداوله افکار ایتمک ایچون بر جلسه خفیه
 عقدینی طلب ایتمشدر افندم، آرزو ایدرسه کر بوندن
 صکره جلسه خفیه بی عقد ایدرز و او مسائلی کوروشورز
 (موافق صدالری) اون بش دقیقه تنفس...

ایکنجی و اوچنجی جلسه لر خفیدر

